

Broj: 06-04-57/24
Sarajevo, 17.1.2024. godine

VLADA FEDERACIJE BOSNE I HERCEGOVINE
Generalni sekretarijat Vlade Federacije BiH
n/r Edita Kalajdžić, sekretar Vlade
Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

| Primijeno: | | 19-01-2024 | |
|------------|------|------------|------------|
| Org. jed. | Broj | Priloga | Vrijednost |
| 05/2 | -02- | 27 | /24 |

Predmet: Odgovor na inicijativu delegatkinje Sanele Klarić
Veza: Vaš akt broj: 03-04-76/2024 od 15.01.2024. godine

Poštovana,

U vezi odgovora na delegatsku inicijativu koju je podnijela Sanela Klarić delegatkinja u Domu naroda Parlamenta Federacije BiH, dostavljena aktom sekretara Doma naroda Parlamenta Federacije BiH, broj: 05/2-02-27/24 od 12.01.2024. godine, a koja glasi:

„Poštovani, na osnovu člana 10. Poslovnika o radu Doma naroda Parlamenta Federacije Bosne i Hercegovine („Službene novine Federacije Bosne i Hercegovine“ br. 27/03, 21/09 i 24/20), gore navedenim ministarstvima i JP Autoceste FBiH upućujem delegatsku inicijativu da se sada kada je usvojena Strategija turizma FBiH pomenuta ministarstva u Vladi FBiH zajednički okupe i riješe pitanje zaštite i promocije divljih konja na teritoriji FBiH kroz mjere poticaja, zaštite u saobraćaju i posebne mjere turističkih ponuda koje uključuju ove plemenite životinje.

OBRAZLOŽENJE

Livanjski divlji konji su najpoznatiji u javnosti ali takvih krda divljih konja posljednjih godina možemo vidjeti i na drugim planinama u FBiH. Livanjski koji su najviše eksponirani za promotivne materijale posebno kroz video materijale u promociji turističkih potencijala BiH. Na terenu je situacija potpuno drugačija. Divlji konji, ne samo Livanjski, nisu zaštićeni niti postoje programi poticaja kojima bi se lokalna udruženja motivisala i obezbijedila da bolje brinu o ovim plemenitim životinjama u svojim lokalnim zajednicama (hrana, voda, so, lijekovi). U zimskom periodu dešava se veći broj saobraćajnih nesreća u kojima učestvuju konji posebno u okolini Livna jer se u tom periodu oni spuštaju u niže krajeve tražeći vodu, hranu ali i so koju nalaze na magistralnim i drugim lokalnim putevima. Posebna su atrakcija za turiste koji posjećuju našu zemlju pa je neophodno da se istraže i mapiraju sva krda divljih konja u FBiH te da se obilazak istih uvrsti u posebne turističke ponude posebno sada kada su takve ponude prepoznati i usvojenom Strategijom turizma FBiH.

Na gore navedenu delegatsku inicijativu, dajemo sljedeći:

ODGOVOR

Federalno ministarstvo okoliša i turizma (u daljem tekstu: Ministarstvo) podržava inicijativu Sanele Klarić delegatkinje u Domu naroda Parlamenta Federacije BiH, kao i prijedlog za zajedničko okupljanje resornih ministarstva u Vladi Federacije BiH kako bi se riješilo pitanje zaštite i promocije divljih konja na teritoriji Federacije BiH.

Ministarstvo će nastojati da promociju divljih konja implementira kroz Strategiju razvoja turizma Federacije BiH 2022 – 2027. Ohrabruje i činjenica da je kroz sektorsku strategiju Livanjskog kantona jedna od preporuka uspostaviti safari s divljim konjima u Livnu kao centar razvoja turizma, te kroz iskustvo i atrakciju ponuditi fotosafari s divljim konjima i posmatranje divljih konja kao turistički proizvod.

Takođe, ovu unikatnu turističku atrakciju i prirodni turistički proizvod potrebno je zaštititi i riješiti problem vlasništva ili gazdovanja konjima od strane lokalnih zajednica (Livno, Kupres, Tomislavgrad) i naravno, Livanjskog kantona, pa onda i nadležnih institucija u Federaciji BiH.

S poštovanjem,



Dostaviti:

- Naslovu,
- Sanela Klarić, delegatkinja u Domu naroda Parlamenta Federacije BiH,
- Kabinet sekretara Doma naroda Parlamenta Federacije BiH,
- Arhiva.
- a/a.